

UNIVERZITET U SARAJEVU
- SENAT -

Broj: 01-974-1/15

Sarajevo, 25. 02. 2015. godine

Z A P I S N I K
SA 30. SJEDNICE SENATA
ODRŽANE 25. 02. 2015. GODINE

Prisutni članovi Senata: prof. dr. Muharem Avdispahić, rektor, prof. dr. Ugo Vlasisavljević, prof. dr. Dženan Đonlagić, prof. dr. Zehra Kreho i prof. dr. Faruk Mekić, prorektori, prof. Marina Finci, prof. Mersad Čuljević, prof. dr. Erdin Salihović (po ovlaštenju), doc. dr. Jasmina Selimović (po ovlaštenju), prof. dr. Narcis Behlilović, prof. dr. Zuhdija Hasanović, prof. dr. Jasmin Ahić (po ovlaštenju), prof. dr. Lejla Turčilo (po ovlaštenju), prof. dr. Ifet Mahmutović, prof. dr. Samir Čaušević, prof. dr. Fatima Jusupović (po ovlaštenju), prof. dr. Davorka Završnik, prof. dr. Salih Fočo, prof. dr. Samir Dolarević (po ovlaštenju), prof. dr. Ejub Džaferović, prof. dr. Almira Hadžović-Džuvo, prof. dr. Ivan Čavlović, doc. dr. Merima Čaušević (po ovlaštenju), prof. dr. Zlatan Sarić, prof. dr. Hajrija Sijerčić-Čolić, prof. dr. Rifat Škrijelj, prof. dr. Sead Redžepagić, prof. dr. Mirza Dautbašić, prof. dr. Nihad Fejzić, prof. dr. Munib Tahirović, prof. dr. Darko Tomašević (po ovlaštenju), prof. dr. Naris Pojskić (po ovlaštenju), dr. Adnan Kadrić, dr. Alen Kalajdžija, Adnan Vehabović (za predstavnika SPUS-a u Grupaciji tehničkih nauka), Bekir Rovčanin (predstavnik SPUS-a u Grupaciji medicinskih nauka) i Ismir Smajić (predstavnik SPUS-a u Grupaciji prirodno-matematičkih i biotehničkih nauka).

Ostali prisutni: prof. dr. Borislav Petrović, dekan Pravnog fakulteta Univerziteta u Sarajevu, dr. sc. Suvad Konaković, generalni sekretar Univerziteta u Sarajevu.

Odsutni: Samir Arnautović, student-prorektor, dr. Rasim Muratović, prof. dr. Husnija Kamberović, Ahmed Nurković, predsjednik SPUS-a, Amar Avdić (predstavnik SPUS-a u Grupaciji humanističkih nauka) i Esmā Sulejmanagić (predstavnik SPUS-a u Grupaciji umjetnosti), članovi.

Zasjedanje je počelo u 13,00 sati.

Predsjedavao je rektor prof. dr. Muharem Avdispahić.

Prije prelaska na usvajanje dnevnog reda za riječ se javila prof. dr. Hajrija Sijerčić-Čolić i zatražila da se na sjednici ne razmatra prijedlog Elaborata o opravdanosti osnivanja prvog ciklusa zajedničkog interdisciplinarnog studija „Informatika u upravi“ u realizaciji Prirodno-matematičkog fakulteta Univerziteta u Sarajevu i Fakulteta za upravu, pridružene članice Univerziteta u Sarajevu, obrazloživši da je po zaključku Grupacije društvenih nauka od 17. 02. 2015. godine zatraženo da se o navedenom Elaboratu pribave stajališta svih zainteresiranih organizacionih jedinica na Univerzitetu u Sarajevu, prije svega Ekonomskog fakulteta i organizacionih jedinica Grupacije tehničkih nauka. Prijedlog prof. dr. Hajrije Sijerčić-Čolić je podržao i prof. dr. Narcis Behlilović istaknuvši da je razmatranje Elaborata potrebno odgoditi za narednu sjednicu Senata.

Grupacija prirodno-matematičkih i biotehničkih nauka je 16. 02. 2015. dala podršku prijedlogu Elaborata i protivi se skidanju ovog materijala s dnevnog reda.

Prof. dr. Salih Fočo je zatražio da se u dnevni red sjednice uvrsti tačka „Prijedlog za osnivanje zajedničkog doktorskog studija *sociologija* Filozofskog fakulteta Univerziteta u Sarajevu i Nastavničkog fakulteta Univerziteta „Džemal Bijedić“ u Mostaru“. Prof. dr. Muharem Avdispahić je istakao da navedeni prijedlog nije dobio prethodno mišljenje Grupacije humanističkih nauka iz razloga odsutnosti predstavnika Filozofskog fakulteta Univerziteta u Sarajevu na sjednici Grupacije održanoj 16. 02. 2015. godine. Grupacija društvenih nauka također je odgodila izjašnjavanje o dostavljenom prijedlogu.

Prof. dr. Salih Fočo je istakao da nije dobio e-mail sa obavještenjem o satu održavanja sjednice Grupacije humanističkih nauka i zatražio da se utvrde razlozi za to.

Dr. Adnan Kadrić je zatražio da se na današnjoj sjednici ne razmatra prijedlog za davanje saglasnosti na izbor Nihada Dostovića u zvanje stručnog saradnika historičara – osmaniste na Orijentalnom institutu Univerziteta u Sarajevu.

Zatim je uz 5 (pet) glasova „protiv“ usvojen sljedeći

DNEVNI RED

1. Usvajanje Zapisnika sa 29. redovne sjednice Senata Univerziteta u Sarajevu od 28. 01. 2015. godine
2.
 - a) Izbori u akademska i naučna zvanja
 - b) Raspisivanje konkursa za izbor akademskog osoblja
 - c) Izmjene i dopune plana pokrivenosti nastave za drugi ciklus (master) studija „Evropske studije“ u studijskoj 2014/2015. godini Centra za interdisciplinarne studije
3. Prijedlog Finansijskog plana Univerziteta u Sarajevu za 2015. godinu
4. Doktorati nauka
5.
 - a) Saglasnosti na nastavne planove i programe
 - Prijedlog izmjena i dopuna nastavnog plana i programa trećeg ciklusa studija (doktorskog studija) na Elektrotehničkom fakultetu Univerziteta u Sarajevu za oblasti: *automatika i elektronika, elektroenergetika, računarstvo i informatika* i *telekomunikacije*
 - Prijedlog nastavnog plana i programa studija (studijski program) „Medicina“ na engleskom jeziku na Medicinskom fakultetu Univerziteta u Sarajevu sa prijedlogom cijene koštanja studija
 - Prijedlog Elaborata o opravdanosti osnivanja prvog ciklusa zajedničkog interdisciplinarnog studija „Informatika u upravi“ u realizaciji Prirodno-matematičkog fakulteta Univerziteta u Sarajevu i Fakulteta za upravu, pridružene članice Univerziteta u Sarajevu
 - Prijedlog programa necikličnog obrazovanja – cjeloživotnog učenja (Life Long Learning Programmes) Ekonomskog fakulteta Univerziteta u Sarajevu
 - Prijedlog programa cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu

- b) Liste kandidata upisanih na treći ciklus studija
6. Informacija o odlukama Vlade Kantona Sarajevo broj: 02-05-1380-1/15 i 02-05-1380-2/15 od 28. 01. 2015. godine
 7. Prijedlog za dodjelu počasnog doktorata Univerziteta u Sarajevu prof. dr. Kurtu Kalcheru, profesoru na Univerzitetu „Karl-Franzens“ u Grazu
 8. Prijedlog ugovora o saradnji u izvođenju nastave i obavljanju naučnoistraživačkog rada između Univerziteta u Sarajevu i Memorijalnog centra Srebrenica
 9. Međunarodna saradnja
 10. Izdavačka djelatnost
 11. Izvještaj Komisije za priznavanje inozemnih visokoškolskih kvalifikacija Univerziteta u Sarajevu
 12. Inicijativa Grupacije tehničkih nauka
 13. Inicijativa za poboljšanje rada ISSS sistema
 14. Informacije

T O K S J E D N I C E

Ad-1.

Zapisnik sa 29. redovne sjednice Senata Univerziteta u Sarajevu od 28. 01. 2015. godine usvojen je jednoglasno.

Ad-2.

- a) **U skladu sa Zakonom o visokom obrazovanju Kantona Sarajevo, prečišćeni tekst, i Statutom Univerziteta u Sarajevu, Senat Univerziteta u Sarajevu izvršio je izbor u akademska zvanja i dao saglasnosti na izbore u naučna zvanja, kako slijedi:**

ARHITEKTONSKI FAKULTET

- 2.1. Dr. Amir Čaušević u zvanje vanrednog profesora za oblast *konstruktivni sistemi*.

ELEKTROTEHNIČKI FAKULTET

- 2.2. Emir Cogo, MA, u zvanje asistenta za oblast *računarstvo i informatika*.
2.3. Adnan Osmanović, MA, u zvanje asistenta za oblast *automatika*.

FAKULTET ISLAMSKIH NAUKA

- 2.4. Dr. Zehra Alispahić u zvanje docenta za oblast *kur'anski i hadiski arapski jezik*.

FAKULTET ZA KRIMINALISTIKU, KRIMINOLOGIJU I SIGURNOSNE STUDIJE

- 2.5. Dr. Almir Maljević u zvanje vanrednog profesora za predmet *Krivično pravo*.
- 2.6. Dr. Fuad Purišević u zvanje docenta za predmet *Upravno pravo*.
- 2.7. Adnan Fazlić u zvanje asistenta za oblast *kriminalistika*.
- 2.8. Sandra Kobajica u zvanje asistenta za oblast *kriminologija*.
- 2.9. Nerma Halilović u zvanje asistenta za oblast *sigurnosne studije*.

FAKULTET POLITIČKIH NAUKA

- 2.10. Dr. Elvis Fejzić u zvanje docenta za oblast *političke nauke*.
- 2.11. Dr. Mirza Emirhafizović u zvanje docenta za oblast *sociološke nauke*.
- 2.12. Nina Babić, MA, u zvanje višeg asistenta za oblast *socijalni rad*.
- 2.13. Elma Huruz, MA, u zvanje višeg asistenta za oblast *političke nauke*.

FAKULTET ZDRAVSTVENIH STUDIJA

- 2.14. Dr. Sandra Zubović u zvanje vanrednog profesora za predmete: *Kompjuterizirana tomografija (CT)*, *Primjena informatike u radiodijagnostici* i *Digitalna subtrakciona angiografija (DSA)*.
- 2.15. Dr. Lana Lekić u zvanje docenta za predmet *Upravljanje lijekovima u zdravstvenoj njezi*.
- 2.16. Mr. Nina Jurić u zvanje višeg asistenata za predmet *Metode u citodijagnostici*.
- 2.17. Mr. Deniz Bulja u zvanje višeg asistenata za predmete: *Tehnika ultrazvuka (UZ)*, *Radiografska morfologija* i *Kontrola kvaliteta rada u radiodijagnostici*.

KATOLIČKI BOGOSLOVNI FAKULTET

- 2.18. Dr. Milenko Krešić u zvanje docenta za oblast *teologija (crkvena povijest)*.
- 2.19. Mr. Dubravko Turalija u zvanje višeg asistenta za oblast *teologija (biblijska teologija)*.

MAŠINSKI FAKULTET

- 2.20. Dr. Maida Čohodar-Husić u zvanje redovnog profesora za oblast *mašinski proizvodni inženjering*.
- 2.21. Dr. Džana Kadrić u zvanje docenta za oblast *energetsko procesni aparati i postrojenja*.
- 2.22. Mr. Goran Kepnik u zvanje višeg asistenta za oblast *motori i vozila*.

PEDAGOŠKI FAKULTET

- 2.23. Dr. Almedina Čengiđ u zvanje vanrednog profesora za oblast *metodika nastave bosanskog, hrvatskog i srpskog jezika i književnosti*.
- 2.24. Dr. Sanela Rustempašić u zvanje docenta za oblast *metodika nastave poznavanja prirode i društva*.

PRAVNI FAKULTET

- 2.25. Dr. Almedina Šabić u zvanje docenta za oblast *građansko pravo i građansko procesno pravo*.

POLJOPRIVREDNO-PREHRAMBENI FAKULTET

- 2.26. Dr. Josip Čolo u zvanje redovnog profesora za predmet *Mikrobiologija*.
- 2.27. Dr. Lutvija Karić u zvanje vanrednog profesora za oblast *povrtlarstvo*.

PRIRODNO-MATEMATIČKI FAKULTET

- 2.28. Dr. Senad Odžak u zvanje vanrednog profesora za oblast *teorijska fizika*.
2.29. Dr. Admir Greljo u zvanje docenta za oblast *teorijska fizika – fizika visokih energija*.
2.30. Mr. Benjamin Fetić u zvanje višeg asistenta za oblast *teorijska fizika*.
2.31. Amra Salčinović-Fetić u zvanje višeg asistenta za oblast *eksperimentalna fizika*.
2.32. Franjo Šarčević, MA, u zvanje asistenta za oblast *analiza*.
2.33. Kerim Hrvat u zvanje asistenta za oblast *eksperimentalna fizika*.

STOMATOLOŠKI FAKULTET SA KLINIKAMA

- 2.34. Dr. Naida Hadžiabdić u zvanje docenta za oblast *oralna hirurgija sa dentalnom implantologijom*.

INSTITUT ZA ISTORIJU

- 2.35. Mr. Ramiza Smajić u isto zvanje, zvanje višeg stručnog saradnika za stariju historiju – osmanski period.

ORIJENTALNI INSTITUT

- 2.36. Mr. Dženita Karić u isto zvanje, zvanje višeg stručnog saradnika arabiste.
2.37. Aida Smailbegović u zvanje stručnog saradnika historičara umjetnosti – orijentalno-islamska umjetnost.

b) Date su saglasnosti za raspisivanje konkursa za izbore akademskog osoblja na: Ekonomskom fakultetu, Elektrotehničkom fakultetu, Fakultetu političkih nauka, Fakultetu za kriminalistiku, kriminologiju i sigurnosne studije, Fakultetu za upravu, Fakultetu zdravstvenih studija, Farmaceutskom fakultetu, Muzičkoj akademiji, Poljoprivredno-prehrambenom fakultetu, Prirodno-matematičkom fakultetu i Stomatološkom fakultetu sa klinikama Univerziteta u Sarajevu.

c) Data je saglasnost na izmjenu i dopunu izvedbenih planova nastave za drugi ciklus studija „Evropske studije“ Centra za interdisciplinarne studije Univerziteta u Sarajevu za studijsku 2014/2015. godinu.

Ad-3.

Jednoglasno je donesena

ODLUKA

kojom se utvrđuje prijedlog Finansijskog plana integriranog Univerziteta u Sarajevu za 2015. godinu.

Prijedlog Finansijskog plana iz prethodnog stava upućuje se Upravnom odboru Univerziteta u Sarajevu na usvajanje.

Ad-4.

Doktorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

ARHITEKTONSKI FAKULTET

4.1. Obrazuje se Komisija za ocjenu uvjeta kandidata Duška Bašića, dipl. ing. arh., i podobnosti teme doktorske disertacije *Totalitarni režim i arhitektura: Masa mjerilo i moć u arhitekturi III Reicha* u sljedećem sastavu:

1. dr. Amir Pašić, redovni profesor, predsjednik
2. dr. Dženana Bijedić, docent, član i
3. dr. Nihad Čengić, docent, član.

EKONOMSKI FAKULTET

4.2. Obrazuje se Komisija za ocjenu uvjeta kandidata Amre Rizvić, MA, i podobnosti teme doktorske disertacije *Cjeloživotno učenje i uticaj korištenja informacionih tehnologija na individualne performanse: Analiza na primjeru Bosne i Hercegovine* u sljedećem sastavu:

1. dr. Nijaz Bajgorić, redovni profesor, predsjednik
2. dr. Zlatko Lagumdžija, redovni profesor, član
3. dr. Savo Stupar, docent, član i
4. dr. Ensar Šehić, docent, član.

4.3. Obrazuje se Komisija za ocjenu uvjeta kandidata mr. Ljiljana Veselinovića i podobnosti teme doktorske disertacije *Uticaj primjene Lean poslovnih principa na strukturu troškova visokoškolskih ustanova* u sljedećem sastavu:

1. dr. Kasim Tatić, redovni profesor, predsjednik
2. dr. Danijela Martinović, vanredni profesor, član
3. dr. Aziz Šunje, redovni profesor, član i
4. dr. Meliha Bašić, vanredni profesor, član.

ELEKTROTEHNIČKOM FAKULTETU

4.4. Obrazuje se Komisija za ocjenu uvjeta kandidata mr. Adnana Čaršimamovića i podobnosti teme doktorske disertacije *Modeliranje napona početka stacionarne korone zasnovano na mjerenjima električnog polja* u sljedećem sastavu:

1. dr. Irfan Turković, docent, predsjednik
2. dr. Alija Muharemović, redovni profesor, član i
3. dr. Zijad Bajramović, docent, član.

4.5. Obrazuje se Komisija za ocjenu uvjeta kandidata mr. Afana Čeće i podobnosti teme doktorske disertacije *Prijedlog metode za poboljšanje kontrole zagušenja kod TCP protokola* u sljedećem sastavu:

1. dr. Samim Konjicija, vanredni profesor, predsjednik
2. dr. Saša Mrdović, vanredni profesor, član i
3. dr. Kemal Hajdarević, vanredni profesor, član.

4.6. Obrazuje se Komisija za ocjenu uvjeta kandidata mr. Seada Delića i podobnosti teme doktorske disertacije *Analiza dielektričnih karakteristika međukontaktne prostora visokonaponskog SF6 prekidača tokom isklopa* u sljedećem sastavu:

1. dr. Hamid Zildžo, redovni profesor, predsjednik
2. dr. Mirsad Kapetanović, vanredni profesor, član i
3. dr. Zijad Bajramović, docent, član.

FAKULTET POLITIČKIH NAUKA

4.7. Obrazuje se Komisija za ocjenu uvjeta kandidata Ermina Kuke, MA, i podobnosti teme doktorske disertacije *Utjecaj javnih politika na alokaciju resursa* u sljedećem sastavu:

1. dr. Faruk Jašarević, vanredni profesor, predsjednik
2. dr. Mirko Pejanović, profesor emeritus, član i
3. dr. Jusuf Žiga, redovni profesor, član.

4.8. Obrazuje se Komisija za ocjenu uvjeta kandidata Jasmina Pece, MA, i podobnosti teme doktorske disertacije *Kontraverze akulturacijskih procesa u Hercegovini nakon 1992. godine* u sljedećem sastavu:

1. dr. Nijaz Musabegović, profesor emeritus, predsjednik
2. dr. Hidajet Repovac, profesor emeritus, član i
3. dr. Jusuf Žiga, redovni profesor, član.

MAŠINSKI FAKULTET

4.9. Obrazuje se Komisija za ocjenu uvjeta kandidata mr. Amre Hasečić i podobnosti teme doktorske disertacije *Numeričko modeliranje prenosa toplote zračenjem u višefaznim tokovima sa slobodnom površinom* u sljedećem sastavu:

1. dr. Dunja Martinović, redovni profesor, predsjednik
2. dr. Samir Muzaferija, vanredni profesor, član i
3. dr. Izet Smajević, redovni profesor, član.

POLJOPRIVREDNO-PREHRAMBENI FAKULTET

4.10. Obrazuje se Komisija za ocjenu uvjeta kandidata mr. Emire Hukić i podobnosti teme doktorske disertacije *Svojstva tla i dinamika organske materije u šumama bukve i jele (sa smrčom) na krečnjacima i dolomitima na području Bjelašnice* u sljedećem sastavu:

1. dr. Primož Simončič, naučni savjetnik (Gozdarski inštitut Slovenije, R Slovenija), predsjednik
 2. dr. Hamid Čustović, redovni profesor, član
 3. dr. Sead Vojniković, vanredni profesor, član i
- Mihajlo Marković, redovni profesor (Univerzitet u Banjoj Luci), zamjenik člana.

PRIRODNO-MATEMATIČKI FAKULTET

4.11. Obrazuje se Komisija za ocjenu uvjeta kandidata mr. Hermine Alajbegović i podobnosti teme doktorske disertacije *Kristalografske grupe i rast podgrupa* u sljedećem sastavu:

1. dr. Nacima Memić, docent, predsjednik

2. dr. Muharem Avdispahić, redovni profesor, član i
3. dr. Almasa Odžak, docent, član.

Jednoglasno su donesene odluke kojima se verificiraju sljedeći izvještaji komisija za ocjenu uvjeta kandidata i podobnosti teme doktorske disertacije:

- 4.12.** Verificira se Izvještaj Komisije za ocjenu uvjeta kandidata Ismeta Krzovića, dipl. ing. arh., i podobnosti teme doktorske disertacije *Fortifikacioni objekti uz željezničke pruge u Bosni i Hercegovini*, koji je usvojen od Nastavno-naučnog vijeća Arhitektonskog fakulteta Univerziteta u Sarajevu.
Odobrava se rad na doktorskoj disertaciji pod naslovom *Fortifikacioni objekti uz željezničke pruge u Bosni i Hercegovini*, kandidata Ismeta Krzovića, dipl. ing. arh.
- 4.13.** Verificira se Izvještaj Komisije za ocjenu uvjeta kandidata Vekasa Bugarića, dipl. ing. arh., i podobnosti teme doktorske disertacije *Definiranje arhitektonsko-urbanog modela kroz interaktivnu participaciju svih učesnika u stvaranju građenog okoliša*, koji je usvojen od Nastavno-naučnog vijeća Arhitektonskog fakulteta Univerziteta u Sarajevu.
Odobrava se rad na doktorskoj disertaciji pod naslovom *Definiranje arhitektonsko-urbanog modela kroz interaktivnu participaciju svih učesnika u stvaranju građenog okoliša*, kandidata Vekasa Bugarića, dipl. ing. arh.
- 4.14.** Verificira se Izvještaj Komisije za ocjenu uvjeta kandidata mr. Brune Trstenjaka i podobnosti teme doktorske disertacije *Model predikcije klasa objekata baziran na višedimenzionalnim heterogenim podacima*, koji je usvojen od Nastavno-naučnog vijeća Elektrotehničkog fakulteta Univerziteta u Sarajevu.
Odobrava se rad na doktorskoj disertaciji pod naslovom *Model predikcije klasa objekata baziran na višedimenzionalnim heterogenim podacima*, kandidata mr. Brune Trstenjaka.
- 4.15.** Verificira se Izvještaj Komisije za ocjenu uvjeta kandidata Adnana Tatara, MA, i podobnosti teme doktorske disertacije *Politička kultura kolektivizma u doba moderne*, koji je usvojen od Nastavno-naučnog vijeća Fakulteta političkih nauka Univerziteta u Sarajevu.
Odobrava se rad na doktorskoj disertaciji pod naslovom *Politička kultura kolektivizma u doba moderne*, kandidata Adnana Tatara, MA.
- 4.16.** Verificira se Izvještaj Komisije za ocjenu uvjeta kandidata Dražena Barbarića, MA, i podobnosti teme doktorske disertacije *Metapolitizacija prostora – prilog dekonstrukciji prostornih diskursa i praksi*, koji je usvojen od Nastavno-naučnog vijeća Fakulteta političkih nauka Univerziteta u Sarajevu.
Odobrava se rad na doktorskoj disertaciji pod naslovom *Metapolitizacija prostora – prilog dekonstrukciji prostornih diskursa i praksi*, kandidata Dražena Barbarića, MA.
- 4.17.** Verificira se Izvještaj Komisije za ocjenu uvjeta kandidata Mirze Lišinovića, MA, i podobnosti teme doktorske disertacije *Sigurnosni rizici i javna okupljanja u Bosni i Hercegovini*, koji je usvojen od Nastavno-naučnog vijeća Fakulteta političkih nauka Univerziteta u Sarajevu.
Odobrava se rad na doktorskoj disertaciji pod naslovom *Sigurnosni rizici i javna okupljanja u Bosni i Hercegovini*, kandidata Mirze Lišinovića, MA.
- 4.18.** Verificira se Izvještaj Komisije za ocjenu uvjeta kandidata mr. Kasima Podžića i podobnosti teme doktorske disertacije *Boračka populacija i izgradnja mira u Bosni i Hercegovini*, koji je usvojen od Nastavno-naučnog vijeća Fakulteta političkih nauka Univerziteta u Sarajevu.
Odobrava se rad na doktorskoj disertaciji pod naslovom *Boračka populacija i izgradnja mira u Bosni i Hercegovini*, kandidata mr. Kasima Podžića.

- 4.19. Verificira se Izvještaj Komisije za ocjenu uvjeta kandidata mr. Sarine Bakić i podobnosti teme doktorske disertacije *Kontroverze recepcije kulture: Tipologije kulturnih potreba i ukusa građana Bosne i Hercegovine*, koji je usvojen od Nastavno-naučnog vijeća Fakulteta političkih nauka Univerziteta u Sarajevu.
Odobrava se rad na doktorskoj disertaciji pod naslovom *Kontroverze recepcije kulture: Tipologije kulturnih potreba i ukusa građana Bosne i Hercegovine*, kandidata mr. Sarine Bakić.
- 4.20. Verificira se Izvještaj Komisije za ocjenu uvjeta kandidata mr. Dine Rešidbegovića i podobnosti teme doktorske disertacije *Subtraktivna sinteza u kompoziciji*, koji je usvojen od Nastavno-umjetničkog vijeća Muzičke akademije Univerziteta u Sarajevu.
Odobrava se rad na doktorskoj disertaciji pod naslovom *Subtraktivna sinteza u kompoziciji*, kandidata mr. Dine Rešidbegovića.
- 4.21. Verificira se Izvještaj Komisije za ocjenu uvjeta kandidata mr. Azre Medić i podobnosti teme doktorske disertacije *Stilsko-tehnički aspekti pijanizma u sonatama A. Skrjabina*, koji je usvojen od Nastavno-umjetničkog vijeća Muzičke akademije Univerziteta u Sarajevu.
Odobrava se rad na doktorskoj disertaciji pod naslovom *Stilsko-tehnički aspekti pijanizma u sonatama A. Skrjabina*, kandidata mr. Azre Medić.
- 4.22. Verificira se Izvještaj Komisije za ocjenu uvjeta kandidata mr. Belme Šarančić-Nahodović i podobnosti teme doktorske disertacije *Alexander tehnika u akordeonizmu*, koji je usvojen od Nastavno-umjetničkog vijeća Muzičke akademije Univerziteta u Sarajevu.
Odobrava se rad na doktorskoj disertaciji pod naslovom *Alexander tehnika u akordeonizmu*, kandidata mr. Belme Šarančić-Nahodović.
- 4.23. Verificira se Izvještaj Komisije za ocjenu uvjeta kandidata mr. Naide Hukić i podobnosti teme doktorske disertacije *Harmonijski jezik u koncertima bosanskohercegovačkih kompozitora*, koji je usvojen od Nastavno-umjetničkog vijeća Muzičke akademije Univerziteta u Sarajevu.
Odobrava se rad na doktorskoj disertaciji pod naslovom *Harmonijski jezik u koncertima bosanskohercegovačkih kompozitora*, kandidata mr. Naide Hukić.
- 4.24. Verificira se Izvještaj Komisije za ocjenu uvjeta kandidata mr. Ernada Musića i podobnosti teme doktorske disertacije *Pravni status policijskih službenika*, koji je usvojen od Nastavno-naučnog vijeća Pravnog fakulteta Univerziteta u Sarajevu.
Odobrava se rad na doktorskoj disertaciji pod naslovom *Pravni status policijskih službenika*, kandidata mr. Ernada Musića.

Jednoglasno su donesene odluke kojima se usvajaju izvještaji komisija o toku i rezultatu odbrane doktorskih disertacija:

PRIRODNO-MATEMATIČKI FAKULTET

- 4.25. Prihvata se Izvještaj Komisije o toku i rezultatu odbrane doktorske disertacije kandidata mr. Jasmina Bekteševića pod naslovom *Globalna dinamika polinomijalnih diferentnih jednažbi drugog reda u prvom kvadrantu i asimptotsko određivanje invarijantnih mnogostrukosti*.
- 4.26. Prihvata se Izvještaj Komisije o toku i rezultatu odbrane doktorske disertacije kandidata mr. Midhata Mehuljića pod naslovom *Globalna dinamika i bifurkacija jedne kvadratne frakcionalne diferentne jednažbe sa primjenama*.
- 4.27. Prihvata se Izvještaj Komisije o toku i rezultatu odbrane doktorske disertacije kandidata mr. Lamije Ščete pod naslovom *Neka poopštenja Tauberovih teorema za Laplaceovu transformaciju i primjene na Weylov zakon*.

Doktorati nauka – predbolonjski

Jednoglasno je donesena odluka kojom se obrazuju komisije za ocjenu uvjeta kandidata i podobnosti teme doktorske disertacije:

FAKULTET POLITIČKIH NAUKA

4.28. U Komisiju za ocjenu uvjeta kandidata mr. Muhameda Gegića i podobnosti teme doktorske disertacije *Politike tajne bosanskohercegovačkih službi državne bezbjednosti*, umjesto članova Komisije dr. Suada Kurtćehajića, vanrednog profesora, i dr. Safeta Halilovića, redovnog profesora, imenuju se novi članovi i to: dr. Omer Ibrahimagić, profesor emeritus, i dr. Jasmin Ahić, vanredni profesor, tako da Komisija sada glasi:

1. dr. Omer Ibrahimagić, profesor emeritus, predsjednik
2. dr. Stjepan Šimić, redovni profesor, član i
3. dr. Jasmin Ahić, vanredni profesor, član.

MEDICINSKI FAKULTET

4.29. Obrazuje se Komisija za ocjenu uvjeta kandidata mr. Edine Lekić i podobnosti teme doktorske disertacije *Postoperativni tretman aneurizmatske subarahnoidalne hemoragije baziran na monitoringu intrakranijalnih varijabli* u sljedećem sastavu:

1. dr. Kemal Dizdarević, vanredni profesor
2. dr. Enra Mehmedika-Suljić, vanredni profesor i
3. dr. Emina Nakaš-Ićindić, redovni profesor.

Jednoglasno su donesene odluke kojima se obrazuju komisije za ocjenu i odbranu doktorskih disertacija:

FAKULTET POLITIČKIH NAUKA

4.30. Obrazuje se Komisija za ocjenu i odbranu doktorske disertacije kandidata mr. Almire Huseinović pod naslovom *Upravljanje ljudskim resursima i tehnološke inovacije u medijima – politološki diskurs* u sljedećem sastavu:

1. dr. Safet Halilović, redovni profesor, predsjednik
2. dr. Stjepan Šimić, redovni profesor, član
3. dr. Fahira Fejzić-Čengiće, vanredni profesor, član
4. dr. Emina Kečo-Isaković, redovni profesor, član i
- dr. Nedžma Džananović-Miraščija, docent, zamjenik člana.

GRAĐEVINSKI FAKULTET

4.31. Obrazuje se Komisija za ocjenu i odbranu doktorske disertacije kandidata mr. Jusufa Topoljaka pod naslovom *Konceptualni model katastarskog informacionog sistema u FBiH* u sljedećem sastavu:

1. dr. Admir Mulahusić, docent, predsjednik

2. dr. Vančo Gjorgjiev, redovni profesor (Univerzitet „Sv. Ćiril i Metodije“ u Skoplju, R Makedonija), član i
3. dr. Nihad Kapetanović, profesor emeritus, član.

4.32. Obrazuje se Komisija za ocjenu i odbranu doktorske disertacije kandidata mr. Jasne Pleho pod naslovom *Sistem za podršku prostornom donošenju odluka primjenom fuzzy GIS-a* u sljedećem sastavu:

1. dr. Admir Mulahusić, docent, predsjednik
2. dr. Zikrija Avdagić, redovni profesor, član i
3. dr. Dušan Kogoj, vanredni profesor (Univerzitet u Ljubljani, R Slovenija), član.

MAŠINSKI FAKULTET

4.33. Obrazuje se Komisija za ocjenu i odbranu doktorske disertacije kandidata mr. Adnana Golubovića pod naslovom *Proračun napona i deformacija u kompozitnoj ploči upotrebom metode konačnih volumena* u sljedećem sastavu:

1. dr. Ejub Džaferović, redovni profesor, predsjednik
2. dr. Samir Muzaferija, vanredni profesor, član i
3. dr. Izet Bijelonja, redovni profesor, član.

4.34. Obrazuje se Komisija za ocjenu i odbranu doktorske disertacije kandidata mr. Harisa Lulića pod naslovom *Razvoj procesa hlađenja korištenjem energije Sunca* u sljedećem sastavu:

1. dr. Armin Teskeredžić, docent, predsjednik
2. dr. Ejub Džaferović, redovni profesor, član i
3. dr. Emir Sirbubalo, docent, član.

4.35. Obrazuje se Komisija za ocjenu i odbranu doktorske disertacije kandidata mr. Mustafe Ćengića pod naslovom *Internalizacija eksternih okolinskih koristi ulaganja u energijsku efikasnost u zgradarstvu države u tranziciji* u sljedećem sastavu:

1. dr. Dženana Bijedić, docent, predsjednik
2. dr. Neven Duić, redovni profesor (Sveučilište u Zagrebu, R Hrvatska), član i
3. dr. Ejub Džaferović, redovni profesor, član.

4.36. Obrazuje se Komisija za ocjenu i odbranu doktorske disertacije kandidata mr. Nijaza Delalića pod naslovom *Simultana analiza strujanja, prenosa mase i toplote i naprezanja u dimnjaku* u sljedećem sastavu:

1. dr. Ejub Džaferović, redovni profesor, predsjednik
2. akademik Ejup Ganić, redovni profesor, član i
3. dr. Armin Teskeredžić, docent, član.

4.37. Obrazuje se Komisija za ocjenu i odbranu doktorske disertacije kandidata mr. Sađita Metovića pod naslovom *Numeričko modeliranje hidrauličkog transporta pri povećanim koncentracijama čvrstih čestica* u sljedećem sastavu:

1. dr. Hazim Bašić, redovni profesor, predsjednik
2. dr. Ejub Džaferović, redovni profesor, član i
3. dr. Muris Torlak, docent, član.

MEDICINSKI FAKULTET

4.38. Obrazuje se Komisija za ocjenu i odbranu doktorske disertacije kandidata mr. Narcise Pojskić pod naslovom *Molekularno genetički faktori u etiologiji posttraumatskog stresnog poremećaja* u sljedećem sastavu:

1. dr. Nedžad Mulabegović, profesor emeritus, predsjednik
2. dr. Lilijana Oruč, redovni profesor, član
3. dr. Rifat Hadžiselimović, profesor emeritus, član i
 - dr. Kasim Bajrović, redovni profesor, zamjenik člana.

Ad-5.

a) Saglasnosti na nastavne planove i programe

- Data je saglasnost na izmjene i dopune nastavnog plana i programa trećeg ciklusa studija (dokorskog studija) na Elektrotehničkom fakultetu Univerziteta u Sarajevu, za oblasti: *automatika i elektronika, elektroenergetika, računarstvo i informatika i telekomunikacije.*
- Data je saglasnost na nastavni plan i program integriranog studija prvog i drugog ciklusa (studijski program) „Medicina“ na engleskom jeziku na Medicinskom fakultetu Univerziteta u Sarajevu i prihvata se prijedlog Nastavno-naučnog vijeća Medicinskog fakulteta Univerziteta u Sarajevu o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija visokoškolskih ustanova Univerziteta u Sarajevu.
- Data je saglasnost na program necikličnog obrazovanja – cjeloživotnog učenja (Life Long Learning Programmes) Ekonomskog fakulteta Univerziteta u Sarajevu.
- Data je saglasnost na program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu.
- Povodom prijedloga Elaborata za osnivanje zajedničkog interdisciplinarnog studija „Informatika u upravi“ u realizaciji Prirodno-matematičkog fakulteta Univerziteta u Sarajevu i Fakulteta za upravu, pridružene članice Univerziteta u Sarajevu, diskutirali su: prof. dr. Narcis Behlilović, prof. dr. Salih Fočo, prof. dr. Borislav Petrović, prof. dr. Rifat Škrijelj, prof. dr. Hajrija Sijerčić-Čolić, prof. dr. Ejub Džaferović, prof. dr. Ifet Mahmutović, prof. dr. Almira Hadžović-Džuvo, prof. dr. Muharem Avdispahić, doc. dr. Jasmina Selimović, prof. dr. Darko Tomašević i prof. dr. Nihad Fejzić.
Po okončanju diskusije uz 2 (dva) glasa „protiv“ donesen je

ZAKLJUČAK

kojim Senat podržava inicijativu za osnivanje zajedničkog interdisciplinarnog studija „Informatika u upravi“ u realizaciji Prirodno-matematičkog fakulteta Univerziteta u Sarajevu i Fakulteta za upravljanje, pridružene članice Univerziteta u Sarajevu.

Obavezuju se Prirodno-matematički fakultet Univerziteta u Sarajevu i Fakultet za upravljanje, pridružena članica Univerziteta u Sarajevu, da dostave prijedlog nastavnog plana i programa interdisciplinarnog studija „Informatika u upravi“ usklađen sa članovima 117. i 118. Statuta Univerziteta u Sarajevu.

b) Liste kandidata upisanih na treći ciklus studija (doktorski studij)

- Prihvaćena je lista primljenih kandidata za upis na interdisciplinarni doktorski studij iz oblasti društvenih nauka, istraživačko polje: *politologija, sociologija, sigurnosne i mirovne studije i socijalni rad*, u studijskoj 2014/2015. godini na Fakultetu političkih nauka Univerziteta u Sarajevu, broj: 01-3-87-1/15 od 05. 02. 2015. godine.
- Prihvaćena je lista primljenih kandidata za upis na treći ciklus studija (doktorski studij) u studijskoj 2014/2015. godini na Prirodno-matematičkom fakultetu Univerziteta u Sarajevu, broj: 01/06-85/6-2015 od 06. 02. 2015. godine.
- Prihvaćena je lista primljenih kandidata za upis na treći ciklus studija (doktorski studij) u studijskoj 2014/2015. godini na Šumarskom fakultetu Univerziteta u Sarajevu, broj: 01/1-224/15 od 05. 02. 2015. godine.

Ad-6.

Članovi Senata su informirani o odlukama koje je odlazeća Vlada Kantona Sarajevo donijela na 87. sjednici održanoj 28. 01. 2015. godine u vezi sa visinom participacije cijena usluga, upisnina i drugih troškova studija na Univerzitetu u Sarajevu. U toku diskusije u kojoj su učestvovali: prof. dr. Salih Fočo, prof. dr. Ivan Čavlović, prof. dr. Mirza Dautbašić, prof. dr. Ejub Džaferović, prof. dr. Muharem Avdispahić, prof. dr. Rifat Škrijelj, prof. dr. Sead Redžepagić, naglašeno je da Vlada pri donošenju odluka treba voditi računa o integrativnim procesima na Univerzitetu u Sarajevu. Istaknut je značaj dijaloga o strateškim pitanjima Univerziteta i visokog obrazovanja sa novom Vladom Kantona Sarajevo odmah po njenom uspostavljanju.

Ad-7.

Jednoglasno je donesena

ODLUKA

O DODJELI POČASNOG DOKTORATA UNIVERZITETA U SARAJEVU

Dr. Kurtu Kalcheru, profesoru na Univerzitetu „Karl-Franzens“ u Grazu, Republika Austrija, dodjeljuje se počasni doktorat Univerziteta u Sarajevu (doctor honoris causa Universitatis), kao priznanje za izuzetan doprinos u naučnom napredovanju akademskog osoblja Univerziteta u Sarajevu i podizanju njihove naučne referentnosti i kompetentnosti na međunarodnom nivou.

Obrazloženje

Prof. dr. Kurt Kalcher rođen je 10. februara 1955. godine u Gleisdorfu, Republika Austrija. Diplomirao je na Univerzitetu „Karl-Franzens“ u Grazu 1978. godine, a doktorirao 1980. godine iz oblasti hemijskih nauka. Od 1989. godine profesor je na Univerzitetu „Karl-Franzens“ u Grazu. Od 1990. godine na poziciji je direktora Sensor Work Group.

Prof. dr. Kurt Kalcher postigao je izuzetne naučne rezultate u oblastima razvoja analitičke hemije i instrumentalnih tehnika, elektrohemije, hemiluminescentnih i elektrohemijskih senzora i biosenzora. Osim toga, dao je veliki naučni doprinos u oblastima kompjuterizovane kontrole analitičkih procesa, razvoja interfeasa analitičkih instrumenata za PC, kontrole procesnih analitičkih podataka, razvoju mikroprocesora za kontrolu instrumenata i razvoju softvera.

Naučne radove iz navedenih oblasti je publicirao kao 191 originalni naučni rad i 108 učešća na međunarodnim konferencijama (Abstracts, extended abstracts and proceedings). Objavio je 15 djela u formi monografija, poglavlja u knjigama, book-serija i knjiga.

Od 1990. godine održao je brojna predavanja širom svijeta: Mađarska, Njemačka, Austrija, Češka, Slovenija, Etiopija, Hrvatska, Indija, Egipat, Kosovo, Tajland, Litvanija, Slovačka, Italija, SAD, Egipat i Indija.

Učestvovao je u 18 naučnoistraživačkih projekta u koje su, pored Austrije, uključene brojne zemlje Evrope: Češka, Slovenija, Slovačka, Poljska, Srbija, Kosovo, Albanija, Hrvatska, Mađarska, Rumunija i Bosna i Hercegovina. Bio je učesnik u tri naučnoistraživačka projekta na fakultetima Univerziteta u Sarajevu:

- Stomatološki fakultet sa klinikama („*In vitro* evaluacija elektrohemijske korozije dentalnih amalgama i procjena njenog utjecaja na zdravlje čovjeka“),
- Poljoprivredno-prehrambeni fakultet („Razvoj novih hemiluminescentnih i elektrohemijskih biosenzora u istraživanju prehrambenih artikala: Određivanje biogenih amina kao indikatora svježine hrane, glutamata kao aditiva ukusa i neurotransmitera, određivanje nitrata, nitrita, fosfata kao aditiva u konzerviranoj hrani i polugotovim proizvodima“) i
- Prirodno-matematički fakultet („Izrada katastra sadržaja arsena u površinskim vodama Kantona Sarajevo“).

Za potrebe sva tri naučnoistraživačka projekta vršena su mjerenja u laboratorijima na fakultetima Univerziteta u Sarajevu i u laboratorijama Univerziteta „Karl-Franzens“ u Grazu, gdje je profesor Kalcher omogućio pristup instrumentima i drugim resursima neophodnim za istraživanje.

U periodu od 1994. godine do 2014. godine prof. dr. Kurt Kalcher je suorganizator i pokretač zajedničkih međunarodnih seminara pod nazivom YISAC (Young Investigators' Seminar on Analytical Chemistry). Održan je ukupno 21 skup, a istraživači iz BiH su učestvovali na šest. Univerzitet u Sarajevu je 2005. godine bio organizator 12. seminara koji je od učesnika bio ocijenjen kao najbolje organizirani do tada. Prof. dr. Kurt Kalcher je bio sedamnaest puta gostujući profesor u Poljskoj, Sloveniji, Bosni i Hercegovini i Tajlandu, od čega u Sarajevu osam puta. Prof. dr. Kurt Kalcher je proglašen počasnim profesorom na Univerzitetu Pardubice 1996. godine i dobitnik je počasne medalje istog univerziteta u Češkoj Republici 2005. godine.

Među onima koji su nesebično pomagali Univerzitet u Sarajevu svakako posebno mjesto zauzima i prof. dr. Kurt Kalcher, kao dokazani prijatelj koji već osamnaest

godina aktivno pomaže sve koji su mu se obratili u želji da kroz bavljenje naukom grade univerzitetsku i naučnu karijeru.

U laboratorijama Katedre profesora Kalchera do danas je boravilo 11 uposlenika i diplomaca Univerziteta u Sarajevu u svrhu naučnoistraživačkog rada, izrade magistarskih i doktorskih radova i provođenja aktivnosti u okviru projekata u kojima je participirao Univerzitet „Karl-Franzens“. Trenutno je u toku CEEPUS projekt u kojem, među ostalim, učestvuju istraživači sa Prirodno-matematičkog fakulteta Univerziteta u Sarajevu i Univerziteta „Karl-Franzens“ u Grazu, a na poziv profesora Kalchera.

Naši istraživači, pod mentorstvom profesora Kalchera, proveli su u Austriji preko 10 godina i kao rezultat tih aktivnosti realizirano je šest magistarskih radova, četiri doktorske disertacije, tri naučnoistraživačka projekta, a još dvije doktorske disertacije su u završnoj fazi. Naučni rezultati iz ukupnog istraživačkog opusa naših istraživača u saradnji sa prof. Kalcherom objavljeni su u 145 naučnih radova kroz publikacije i učešća na međunarodnim naučnim skupovima, uz višestruku citiranost u eminentnim naučnim časopisima.

Na Odsjeku za hemiju Prirodno-matematičkog fakulteta Univerziteta u Sarajevu je, kao jedan od rezultata uspješne saradnje, osnovana i prva laboratorija za hemijske senzore i biosenzore u Bosni i Hercegovini, u kojoj su dokazani novi elektron-transfer medijatori na bazi Ru kompleksa razvijenih na Katedri za opću i anorgansku hemiju. Objavljene publikacije o novim sensorima na bazi Ru kompleksa citiraju se na respektabilnim adresama nauke u svijetu. Na dodiplomskom i postdiplomskom studiju su uvedeni novi predmeti iz ove oblasti i u toku su izrade dva doktorata i jednog diplomskog rada.

Ime Univerziteta u Sarajevu se na ovaj način, kroz respektabilne naučne rezultate, dalje afirmiralo na svim kontinentima, što predstavlja nesumnjiv doprinos njegovoj ukupnoj afirmaciji u prostoru visokog obrazovanja i nauke.

Prof. Kurt Kalcher je u svakoj prilici, kada je to od njega traženo, ali i prilikama koje je i sam inicirao, pružao nesebičnu pomoć, ulažući svoje vrijeme i trud te ponašajući se kao član tima do čijih mu je rezultata stalo. Dodjelom počasnog doktorata Univerziteta u Sarajevu (doctor honoris causa Universitatis) prof. dr. Kurtu Kalcheru se na primjeren način izražava zahvalnost i odaje priznanje naučniku svjetskog glasa i prijatelju Univerziteta u Sarajevu i Bosne i Hercegovine.

U vezi sa naprijed navedenim, Senat Univerziteta u Sarajevu je odlučio da dodijeli počasni doktorat Univerziteta u Sarajevu prof. dr. Kurtu Kalcheru.

Ad-8.

Jednoglasno je donesena

ODLUKA

kojom se daje saglasnost na zaključenje ugovora o saradnji u izvođenju nastave i obavljanju naučnoistraživačkog/umjetničkoistraživačkog rada između Univerziteta u Sarajevu i Memorijalnog centra Srebrenica.

Ugovor o saradnji iz prethodnog stava potpisat će, u ime Univerziteta u Sarajevu, prof. dr. Muharem Avdispahić, rektor Univerziteta u Sarajevu.

Ad-9.

a) Data je saglasnost na produženje Sporazuma o saradnji između Univerziteta u Sarajevu i Univerziteta u Stuttgartu, Njemačka.

- b) Data je saglasnost na produženje Sporazuma o saradnji između Univerziteta u Sarajevu i Univerziteta Milano-Bicocca, Italija.
- c) Data je saglasnost na potpisivanje sporazuma o saradnji između Univerziteta u Sarajevu i Univerziteta Sophia, Japan.
- d) Data je saglasnost na potpisivanje protokola o razmjeni u okviru programa „Mevlana“ između Univerziteta u Sarajevu i Univerziteta Dicle, Turska.
- e) Članovi Senata su informirani da je u okviru novog Erasmus+ programa otvorena mogućnost za mobilnost studenata i (ne)nastavnog osoblja i to isključivo na osnovu međuinstitucijskih sporazuma potpisanih između svih uključenih strana. S obzirom na to da su neki od tih međuinstitucijskih sporazuma u vezi sa razmjenom na nivou katedre i/ili samo jednog predmeta, a što je stvar dogovora zainteresiranih strana, Senat je donio

ODLUKU

o definiranju nadležnosti za sklapanje međuinstitucijskih sporazuma

Međuinstitucijske sporazume za koje postoji interes isključivo jedne organizacione članice Univerziteta potpisuje dekan fakulteta/akademije ili direktor instituta.

Međuinstitucijske sporazume koje ugovaraju dvije ili više članica, odnosno Univerzitet u Sarajevu, potpisuje rektor. Sve uključene članice dužne su rektoru dostaviti saglasnost dekana i/ili direktora za potpisivanje međuinstitucijskih sporazuma te odluku o preuzimanju obaveza iz ugovora.

Univerzitet u Sarajevu u svojoj evidenciji mora imati originale svih potpisanih međuinstitucijskih sporazuma.

Međuinstitucijski sporazumi dostavljaju se odmah po potpisivanju.

Ova odluka odnosi se na potpisivanje i drugih bilateralnih sporazuma i/ili memoranduma o saradnji ovakvog tipa mimo programa Erasmus+.

- f) Članovi Senata su informirani da Istraživački centar za islamsku historiju, umjetnost i kulturu (IRCICA) i Univerzitet u Sarajevu zajedno organiziraju peti međunarodni kongres o temi „Islamska civilizacija na Balkanu“, koji će se održati u Sarajevu od 21. do 23. maja 2015. godine. Kongres ima za cilj da održi i dalje poboljša naučne razmjene koje su uspostavljene između stručnjaka i istraživača iz ove oblasti tokom proteklih kongresa održanih u Sofiji (2000. godine), Tirani (2003. godine), Bukureštu (2006. godine) i Skoplju (2010. godine).
- g) Članovi Senata su upoznati sa dopisom Ureda za odnose sa javnošću Ambasade Sjedinjenih Američkih Država u BiH, kojim je rektor Univerziteta u Sarajevu obaviješten o projektu Ambasade Sjedinjenih Američkih Država u BiH pod nazivom „Peace murals“ kojim se želi obilježiti 20 godina mira u BiH. Mural bi, po želji Ambasade Sjedinjenih Američkih Država u BiH, trebao biti postavljen na vanjski zid zgrade Fakulteta za saobraćaj i komunikacije Univerziteta u Sarajevu. Nakon diskusije u kojoj su učestvovali: prof. dr. Samir Čaušević, prof. dr. Muharem Avdispahić, prof. Marina Finci, prof. dr. Ejub Džaferović, prof. dr. Salih Fočo, prof. dr. Naris Pojskić, konstatirano je da Ambasadi treba ponuditi lokacije i drugih fakulteta koje bi, zbog svojih položajnih pogodnosti i duže trajnosti murala, više odgovarale realizaciji ovako značajnog projekta. Prijedloge su dali dekani: Mašinskog fakulteta, Fakulteta sporta i tjelesnog odgoja, Veterinarskog fakulteta i Medicinskog fakulteta.

Ad-10.

- a) Data je saglasnost da se udžbenik „Mreže u saobraćaju i komunikacijama“, autora prof. dr. Mustafe Mehanovića (Fakultet za saobraćaj i komunikacije), objavi kao univerzitetsko izdanje.
- b) Data je saglasnost da se udžbenik „Metode u citodijagnostici“, autorica prof. dr. Jasmine Berbić-Fazlagić i mr. sc. Nine Jurić (Fakultet zdravstvenih studija), objavi kao univerzitetsko izdanje.
- c) Data je saglasnost da se udžbenik „Harmonijska analiza kroz stilove“, autora prof. dr. Refika Hodžića (Muzička akademija), objavi kao univerzitetsko izdanje.
- d) Data je saglasnost da se priručnik „Dendrologija – priručnik za praktične vježbe“, autora doc. dr. Neđada Bašića (Šumarski fakultet), objavi kao univerzitetsko izdanje.

Ad-11.

Usvojen je Izvještaj Komisije za provođenje postupka stručnog priznavanja inozemnih visokoškolskih kvalifikacija od 19. 02. 2015. godine.

Ad-12.

Na inicijativu Grupacije tehničkih nauka, članovi Senata su jednoglasno donijeli

ZAKLJUČAK

1. Senat Univerziteta u Sarajevu traži stav nastavno-naučnih/umjetničkih vijeća organizacionih jedinica Univerziteta u Sarajevu da li:
 - da Senat Univerziteta u Sarajevu izvrši reviziju važećih sporazuma Univerziteta u Sarajevu sa privatnim univerzitetima na području BiH i regije sa posebnim osvrtom na rangiranost tih univerziteta na međunarodnim listama u odnosu na Univerzitet u Sarajevu,
 - da Senat Univerziteta u Sarajevu donese odluku kojom se zabranjuje angažman nastavnika i saradnika Univerziteta u Sarajevu na privatnim univerzitetima u BiH,
 - da se zatraži od nadležnih tijela BiH, FBiH i kantona na području FBiH ujednačena primjena zakonskih i podzakonskih akata na sve univerzitete u BiH.
2. Stavove nastavno-naučnih/umjetničkih vijeća potrebno je dostaviti do sjednice Senata planirane za 25. 03. 2015. godine kako bi se Senat mogao izjasniti o istom.

Ad-13.

Na inicijativu Ismira Smajića, predstavnika studenta u Grupaciji prirodno-matematičkih i biotehničkih nauka, jednoglasno je donesena

ODLUKA

kojom se pokreće inicijativa za poboljšanje rada ISSS sistema s ciljem omogućavanja izdavanja uvjerenja/potvrda o položenim ispitima i drugim statusnim pitanjima studenata Univerziteta u Sarajevu na engleskom jeziku ili na više stranih jezika.

Zadužuje se direktor Univerzitetskog tele-informatičkog centra Univerziteta u Sarajevu da, u roku od 30 dana, predloži modalitete poboljšanja rada ISSS sistema navedenog u prethodnom stavu.

Ad-14.

Informacije

- a) Članovi Senata su upoznati sa održavanjem naučne konferencije pod nazivom „Drugi simpozij o bosanskom jeziku: Istraživanje, normiranje i učenje bosanskoga jezika – dosadašnji rezultati, potrebe i perspektive“. Konferencija će se održati 12. i 13. marta 2015. godine u Sarajevu. Simpozij organizira Institut za jezik Univerziteta u Sarajevu zbog potrebe da se u bosnističkoj nauci o jeziku, shodno aktuelnim društvenim, kulturnim i jezičkim prilikama, ukaže na potrebe, mogućnosti i obaveze u oblasti istraživanja, normiranja i učenja bosanskoga jezika. Drugi simpozij predstavlja nastavak prvog organiziranog Simpozija o bosanskom jeziku održanog u Bihaću 1998. godine u organizaciji Instituta za jezik u Sarajevu.
- b) Senat je informiran o prijedlozima projekata u posljednjem pozivu Erasmus+ programa (Capacity Building) u kojima Univerzitet u Sarajevu učestvuje u okviru kategorije Partner Country.

Sjednica je završena u 15,35 sati.

Rektor

Prof. dr. Muharem Avdispahić

Zapisničar:

Alma Voloder-Madacki